

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE I POSLOVE  
MJESNIH ZAJEDNICA  
Broj: 03-04-1548/20  
Lukavac, 17.03.2020. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 03-04-1548/20 od 16.03.2020. godine u otvorenom postupku javne nabavke usluga za vršenje nadzora nad izvođenjem radova – objekata: lokalni putevi, vodosnabdijevanje, ulična rasvjeta, toplifikaciona mreža i ostali građevinski objekti, Pomoćnik općinskog načelnika za Službu za investicije i poslove mjesnih zajednica d o n o s i

#### **ODLUKU**

**o izboru najpovoljnijeg ponuđača za nabavku usluga za vršenje nadzora nad izvođenjem radova – objekata: lokalni putevi, vodosnabdijevanje, ulična rasvjeta, toplifikaciona mreža i ostali građevinski objekti**

##### **Član 1.**

Prihvata se preporuka Komisije za provođenje postupka javne nabavke broj: 03-04-1548/20 od 10.03.2020. godine i Ugovor za javnu nabavku usluga za vršenje nadzora nad izvođenjem radova – objekata: lokalni putevi, vodosnabdijevanje, ulična rasvjeta, toplifikaciona mreža i ostali građevinski objekti dodjeljuje ponuđaču „HG-INŽENJERING“ d.o.o. Tuzla, koji je dostavio ponudu broj: 04-HG/20 od 09.03.2020. godine, za ponudenu cijenu u vrijednosti od 17.800,00 KM kao najpovoljnijem ponuđaču.

##### **Član 2.**

Izabrani ponuđač je dužan da u roku od 7 (sedam) dana dostavi u originalu ili ovjerenoj kopiji dokumentaciju iz člana 45. stav (2) tačka d) Zakona o javnim nabavkama BiH tražene tačkom 12.2. Tenderske dokumentacije broj: 03-04-1548/20, u suprotnom ponuda će se odbaciti kao neprihvatljiva.

##### **Član 3.**

Prijedlog Ugovora o nabavci dostavit će se na potpis izabranom ponuđaču u roku od 15 (petnaest) dana od dana obavještanja učesnika postupka o izboru najpovoljnijeg ponuđača.

##### **Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

##### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

#### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-1509/20 od 14.02.2020.godine. Javna nabavka sprovedena je u otvorenom postupku. Procijenjena vrijednost javne nabavke bez PDV-a je 30.000,00 KM.

Obavještenje o nabavci broj: 719-1-2-4-3-26/20 objavljeno je na Portalu javnih nabavki dana 18.02.2020. godine.

Komisija za provođenje postupka nabavke imenovana Rješenjem broj: 02-04-19-1/20 od 21.02.2020. godine i Rješenjem o izmjeni Rješenja o imenovanju Komisije za provođenje postupka javne nabavke broj: 02-04-19-1/20-1 od 10.03.2020.godine, dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-1548/20 od 10.03.2020. godine, Preporuku o

izboru najpovoljnijeg ponuđača broj: 03-04-1548/20 od 16.03.2020. godine i Izvještaj o radu broj: 03-04-1548/20 od 16.03.2020. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da su ponude ponuđača: Instituta za građevinarstvo „IG“ Banja Luka i „HG-INŽENJERING“ d.o.o. Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 30.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- |                      |      |
|----------------------|------|
| a) Cijena .....      | 98 % |
| b) Rok plaćanja..... | 2 %  |

Ponuđač „HG-INŽENJERING“ d.o.o. tuzla dostavio je prihvatljivu ponudu sa cijenom u iznosu od 17.800,00 KM i rokom plaćanja 60 (šezdeset) dana od dana prijema računa i osvojio 100,00 bodova, te je u odnosu na kriterij za dodjelu ugovora rangiran na prvo mjesto.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), i člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. „HG-INŽENJERING“ d.o.o Tuzla
2. Institut za građevinarstvo „IG“ d.o.o. Banja Luka
3. Arhivi

PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA  
ovlaštenje broj: 02-30-18008/20 od 28.02.2020.)  
Emir Begić, dipl.ecc.

